



Broj/Број: 01/8-50-1-15-16/05
Sarajevo/Сарајево: 17.2.2006.godine

Z A P I S N I K

16. sjednice Komisije za ostvarivanje ravnopravnosti spolova u BiH (u daljnjem tekstu: Komisija), održane 16.2.2006. godine, s početkom u 11,00 sati.

Sjednici Komisije prisustvovali su:

- Jozo Križanović, predsjedavajući Komisije,
- Ljiljana Milićević, prvi zamjenik predsjedavajućeg Komisije,
- Nadžida Mlačo, drugi zamjenik predsjedavajućeg Komisije,
- Mubera Ušanović, član Komisije,
- dr. Jelina Đurković, član Komisije i
- Vlatka Komšić, član Komisije;

Odsustvovali su: prof. dr. Azra Hadžiahmetović, prof. dr. Nijaz Duraković i Mirsad Sipović, članovi Komisije.

Od gostiju sjednici su prisustvovali: Adnan Bešić iz Istraživačkog centra Parlamentarne skupštine BiH i Muhameda Abaz, pripravnica-volonter u Parlamentarnoj skupštini BiH.

Za sjednicu je usvojen slijedeći:

Dnevni red:

- 1. Usvajanje zapisnika 15. sjednice Komisije,**
- 2. Oriјentacioni radni plan za 2006. godinu,**
- 3. Dogovor o održavanju Drugog Regionalnog sastanka za Regionalnu radionicu ne temu «Cjeloživotno učenje» i o pripremi predstavljanja Parlamentarne skupštine BiH na Drugom regionalnom sastanku,**
- 4. Tekuća pitanja**

Ad. – 1. Usvajanje zapisnika 15. sjednice Komisije

Nakon pozdravnih riječi i otvaranja sjednice Komisije, predsjedavajući Komisije Jozo Križanović je predložio raspravu i izjašnjenje o zapisniku Komisije 15. sjednice.

Kako nije bilo diskusije o ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 15. sjednice Komisije.

Ad – 2. Orijentacioni radni plan za 2006. godinu

U uvodnom izlaganju za ovu tačku dnevnog reda **predsjedavajući Komisije, Jozo Križanović** je podsjetio da je na prethodnoj sjednici Komisije razmatran Orijentacioni radni plan Komisije za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine za 2006. godinu (u daljnjem tekstu: Orijentacioni radni plan za 2006. godinu). On je istakao da je tada donesen zaključak da se članovi Komisije trebaju bolje pripremiti za ovu raspravu, te svoje primjedbe i sugestije iznijeti na narednoj sjednici.

Ljiljana Miličević, prvi zamjenik predsjedavajućeg Komisije je kazala da od Istraživačkog centra Parlamentarne skupštine BiH treba pribaviti akt koji nosi naziv «Kvotni sistemi za osiguranje reprezentacije žena u političkim institucijama», komparativa analiza koju je izradio Istraživački centar Sekretarijata Parlamentarne skupštine BiH, te ga dostaviti članovima Komisije.

Zatim je **predsjedavajući Komisije** istakao da je Orijentacioni radni plan za 2006. godinu urađen u saglasnosti sa Agencijom za ravnopravnost spolova BiH i Gender Centrima Federacije BiH i Republike Srpske i da je u januaru i februaru 2006. godine poseban akcent stavljen na pitanje ravnopravnosti spolova u izborima i izbornom procesu s osvrtom na neophodnost promjena Izbornog zakona BiH i na cjeloživotno učenje.

Nakon svog izlaganja predsjedavajući Komisije je zaključio raspravu o Orijentacionom radnom planu za 2006. godinu, te zaključio ovu tačku konstatujući da je jednoglasno usvojen od strane svih prisutnih članova Komisije.

Ad - 3. Dogovor o održavanju Drugog Regionalnog sastanka za Regionalnu radionicu ne temu «Cjeloživotno učenje» i o pripremi predstavljanja Parlamentarne skupštine BiH na Drugom regionalnom sastanku

U uvodu za ovu tačku dnevnog reda predsjedavajući Jozo Križanović je podsjetio da je Komisija u saradnji sa SP GTF Regionalnim uredom u Zagrebu organizirala Drugi pripremni nacionalni sastanak na temu “Cjeloživotno učenje”. Sastanak je održan 7.2.2006.godine. Ovaj sastanak je bio priprema za održavanje Druge regionalne radionice za parlamentarke, koja će biti organizirana u Sarajevu od 24.-25.2.2006. godine. Informirao je da će Regionalnu radionicu organizirati GTF Regionalni ured iz Zagreba, u suorganizaciji sa ovom Komisijom, te da će kao predstavnici Komisije na Regionalnoj radionici prisustvovati:

1. Vlatka Komšić,
2. Jelina Đurković,
3. Nadžida Mlačo i
4. Mubera Ušanović za slučaj da neko bude spriječen da prisustvuje sastanku.

Predsjedavajući Komisije je takođe informirao prisutne da je o Drugom nacionalnom pripremnom sastanku ne temu “Cjeloživotno učenje”, održanom dana 7.2.2006. godine, napravljen Izvještaj koji je poslat SP GTF Regionalnom uredu u Zagreb i članovima Komisije da se s njim upoznaju.

Ad. – 4. Tekuća pitanja

U ovoj tački dnevnog reda **predsjedavajući Komisije** je postavio pitanje obilježavanja 8. marta «Dana žena». Predložio je da se prilikom organizacije proslave ovog dana, Komisija obrati Kolegiju Predstavničkog doma Parlamentarne skupštine BiH kako bi se adekvatno uključio u ovu aktivnost, te zagovarao formu organizacije ovog dana od prošle godine. Istaknuo je da treba utvrditi listu pozvanih (Gender centri, nevladine organizacije s kojima Komisija sarađuje i sekretari domova Parlamentarne skupštine BiH), te da taj događaj treba bolje medijski popratiti.

Jelina Đurković, član Komisije je predložila da se na taj dan organizira svečanost jer žene to zaslužuju.

Ljiljana Miličević, prvi zamjenik predsjedavajućeg Komisije kazala je da bi pomoć Kolegija bila dobra, ali se slaže da taj dan bude organiziran kao i prošle godine. S tim su se složile i ostale članice prisutne na sjednici.

Nakon dogovora oko obilježavanja 8. marta Dana žena, predsjedavajući Komisije je predložio da se u okviru sredstava SP GTF Regionalnog ureda iz Zagreba koja budu preostala, nakon održavanja Druge regionalne radionice za parlamentarke u Sarajevu, štampa brošura o aktivnosti ove Komisije u održavanju oba nacionalna i oba regionalna sastanka, što je jednoglasno podržano od svih prisutnih članova Komisije.

Nakon zaključenja 4. tačke dnevnog reda, Komisija je završila svoju 16. sjednicu.

Sjednica je završena u 11,45 sati.

SEKRETAR KOMISIJE

dr. Zijad Hasić

PREDSJEDAVALJUĆI KOMISIJE

Jozo Križanović s.r.